

habent. vnd wer auch anders richtet wan als ditz puech le-
ret daz sol er wizzen daz got wil zornnichleichen uber in
richten an dem iungisten tag.

Vorw.d] Seid nu got des frides furste haizzet do liez er zwai swert
hie auf dem ~~er~~ ^{er} ~~reich~~ ^{reich}^a do er ze hymel fuere ze scherm der
christenhait. di lech^t got sand peter paide. ains von welt-
leichem gerichte vnd ains von gaistlichem gerichte. daz
wertleich swert des gerichtes daz leichet der pabest dem
chaiser. daz gaistleich ist dem pabest gesatz daz er da mitt
richte.

Vorw.e] Dem bawest ist gesetz zu beschaidenleicher zeit ze richten
auf einem planchen pherit vnd der chaiser sol dem pabest den
stegrailf haben daz sich der satel icht wende. daz bezaichent
daz waz dem pabest wider ist des er mit gaistleichen nicht
be(t)wingen mach daz sol der chaiser vnd ander wertleichen~~rich~~
richter mit der echte betwingen.

Vorw.f] Vnd wer auch in der echt ist sechs wochen vnd ainen tag so
sol in der gaistleich richter ze pan tuen. der auch in dem
pan ist sechs wochen vnd ainen tach den sol der wertleich
richter ze echt tuen. ditz recht satz sand silvester der pa-
best vnd chunich constantinus sand elen sune di daz heylig
chrautz vand.

Vorw.g] Di zwen^{di} ~~satzen~~ disev recht vnd ander recht ein michel tail
di geschriben stent an disem puech vnd daz ein igleich chri-
sten menschs sol dreistund in dem iar daz vogtes dinch sue-
chen so er zu seinen iaren volchomen ist. daz ist so er
ains vnd zwaintzich iar alt ist so sol er daz vogtes dinch
suechen in dem pistuem do er in gesezzen ist oder in dem
lande oder in dem gerichte do er in gesezzen ist oder do
der man guet in hat.

II. Von ureien leuten.

Vorw.h] Hie sol man horen^a von den ureien leuten. wier zelen dreier
hant freien. der haizent ain semper freien. daz sind di urei-
en herren als fuersten di andern ureien ze man hant. so haiz-
zent di andern freien mitter urein daz

_____ } ^{lies erdnach Rj. b}
Vorw.d] a^a Randnachtrag Rj.

Vorw.h] a^a davor sechen getilgt Rj.